

Na osnovu člana 10. stava 5. u vezi sa stavom 1. tačka 12. istog člana Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

PRAVILNIK
O UVJETIMA KOJE MORAJU ISPUNJAVATI OSOBE
KOJE SE KANDIDIRAJU ZA FEDERALNE
KOORDINATORE ZA JAVNOZDRAVSTVENE
OBLASTI U OKVIRU SARADNJE SA SVJETSKOM
ZDRAVSTVENOM ORGANIZACIJOM

I - OSNOVNE ODREDBE

Član 1.

Ovim pravilnikom se utvrđuju uvjeti stručne spreme i radnog iskustva koje moraju ispunjavati osobe koje se kandidiraju za federalne koordinateure za javnozdravstvene oblasti u okviru saradnje sa Svjetskom zdravstvenom organizacijom (u daljem tekstu: SZO).

II - OBLAST DJELOVANJA

Član 2.

(1) U okviru saradnje sa Svjetskom zdravstvenom organizacijom ustanovljavaju se federalni koordinateuri i to za javnozdravstvene oblasti:

- kontrola zaraznih bolesti
- imunizacija
- eradikacija poliomijelitisa
- kontrola tuberkuloze
- kontrola HIV-AIDS
- epidemiološki nadzor nad sezonskom gripom
- virološki nadzor nad sezonskom influencom
- integrirana prevencija, kontrola i menadžment nezahvatljivih bolesti
- kontrola duhana
- javno zdravstvo
- ishrana i sigurnost hrane
- alkohol i droge
- prevencija povreda (uključuje sigurnost u saobraćaju)
- prevencija nasilja
- mentalno zdravlje
- kontrola šećerne bolesti
- zaštita okoliša
- zdravstvena statistika
- međunarodna zdravstvena regulativa
- zdravlje majke i djeteta
- sigurna krv
- medicina rada
- seksualno i reproduktivno zdravlje
- farmaceutika
- sestinstvo
- zdravstveni sistem i pružanje usluga
- pripravnost za vanredne situacije
- ljudski resursi u zdravstvu
- promocija zdravlja
- gender i zdravlje
- zdravstveno finansiranje
- mreža "Zdravi gradovi"
- zdravlje djece i omladine
- zdravo starenje i dugotrajna zaštita
- zdravlje u zatvorima
- promjena klime i zdravlje.

(2) Federalni koordinateur može biti imenovan za više od dvije oblasti uzimajući u obzir komplementarnost javnozdravstvenih oblasti.

(3) Federalni koordinateuri mogu se uspostaviti i za druge javnozdravstvene oblasti, a po zahtjevu SZO.

Član 3.

- (1) Federalni koordinateuri imaju sljedeće zadatke:
- praćenje aktivnosti SZO po pitanju oblasti za koju su zaduženi,
 - donošenje godišnjeg plana rada; odgovoran je za praćenje i ostvarenje godišnjeg plana rada,
 - odgovoran je za unaprjeđenje međunarodne saradnje i razmjene,
 - uspostavljanje i održavanje efikasne komunikacije, tehničke i stručne prirode, u cilju pružanja tehničke asistencije SZO Regionalnom uredu, a radi osiguravanja koordinacije u planiranju i implementacije aktivnosti u Federaciji Bosne i Hercegovine,
 - učestvovanje u pripremi i izradi strateških dokumenata vezanih za predmetnu oblast,
 - učestvovanje u pripremi legislative,
 - učestvovanje u obilježavanju tematskih datuma,
 - koordiniranje rada sa drugim međunarodnim partnerima,
 - odgovaranje na upite i tematske upitnike SZO,
 - prisustvovanje redovnim sastancima u organizaciji SZO,
 - organiziranje i provođenje svih drugih aktivnosti potrebnih za djelotvorno ostvarivanje zadataka.

(2) Federalni koordinateuri međusobno usklađuju aktivnosti na svim nivoima i segmentima djelatnosti koordinacije u saradnji sa SZO i o tome su dužni redovno godišnje izvještavati Federalno ministarstvo zdravstva (u daljem tekstu: Ministarstvo), u propisanoj formi (Obrazac izvještavanja - Prilog 1.), a u svrhu pripreme godišnjeg izvještaja i pregleda aktivnosti imenovanih federalnih koordinateura za pojedine oblasti saradnje sa SZO u Ministarstvu.

(3) Svim aktivnostima vezanim za saradnju sa SZO, a prema potpisanim protokolima Bosne i Hercegovine o saradnji sa SZO upravlja se putem Federalne mreže koordinateura, koje imenuje federalni ministar zdravstva (u daljem tekstu: federalni ministar), a čine ga svi imenovani federalni koordinateuri.

(4) Federalnom mrežom koordinateura predsjedava federalni ministar.

III - USLOVI STRUČNE SPREME I STRUČNA ZNANJA KOORDINATORA

Član 4.



Federalni koordinateuri se biraju iz reda zdravstvenih radnika i zdravstvenih saradnika za predmetne oblasti, a uslovi kojima moraju udovoljavati su:

- najmanje 10 godina radnog staža u struci,
- praktičan doprinos u unapređenju sistema zdravstvene zaštite, posebno u predmetnoj oblasti,
- stručni i naučni radovi iz predmetne oblasti,
- učešće u radu stručnih sastanaka, simpozija i kongresa iz oblasti svog rada u zemlji i inostranstvu,
- uspješni rezultati na stručnom usavršavanju zdravstvenih radnika, i
- komunikacione i organizatorske sposobnosti i vještine.

Član 5.

(1) Federalno ministarstvo zdravstva objavljuje javni poziv u sredstvima javnog informiranja za dostavu biografija sa potrebnom dokumentacijom za imenovanje federalnih koordinateura.

(2) Dokumentacija iz stava 1. ovog člana sadrži:



- stručnu biografiju kandidata,
 - obrazloženje o uspješnosti desetogodišnjeg rada kandidata,
 - spisak objavljenih naučnih i stručnih radova u predmetnoj oblasti,
 - obrazloženje o doprinosu u unapređenju zdravstvene zaštite, a prema predmetnim oblastima, izdato od stručnog vijeća zdravstvene ustanove u kojoj kandidat radi,
 - plan i program rada federalnoga koordinatora za period od četiri godine, a prema oblasti za koju se konkuriра,
 - dokaz o aktivnom poznavanju engleskog jezika,
 - dokaz o poznavanju rada na računaru.
- (3) Federalni koordinatori mogu biti i iz reda uposlenika Ministarstva, koje rješenjem imenuje federalni ministar, a prema predmetnim oblastima.

Član 6.

- (1) Javni oglas se objavljuje u najmanje dva dnevna lista.
- (2) Prijave na javni oglas se dostavljaju u zatvorenoj koverti na adresu Ministarstva, ul. Titova br. 9., Sarajevo, sa naznakom "Prijava na javni oglas - za javni poziv "Imenovanje federalnih koordinatora".
- (3) Rok za dostavljanje prijava je 15 dana od dana objave javnog oglasa u dnevnim novinama.
- (4) Prijave koje ne ispunjavaju kriterije iz ovog javnog oglasa, neće biti uzete u razmatranje.

Član 7.

- (1) Za provedbu postupka po javnom pozivu, federalni ministar imenuje posebnu komisiju od tri člana sa zadatkom da razmotri pristigle prijave, te sačini rang listu stručnjaka koji ispunjavaju uvjete javnog poziva i kriterije definirane ovim pravilnikom.
- (2) Izvještaj o provedenom postupku po javnom oglasu i bodovna rang lista uspješnih kandidata dostavlja se federalnom ministru.

Član 8.



- (1) Federalni koordinatori se imenuju na period od četiri godine rješenjem federalnog ministra, i to sa rang liste uspješnih kandidata koji ispunjavaju uvjete javnog oglasa.
- (2) Rješenje iz stava 1. ovog člana objavljuje se u "Službenim novinama Federacije BiH".
- (3) Za svoj rad federalni koordinatori su odgovorni federalnom ministru.
- (4) Federalnim koordinatorima mandat može biti produžen za još jedan mandatni period.

IV - PRELAZNE I ZAVRŠNE ODREDBE**Član 9.**

Ovaj Pravilnik stupa na snagu osmoga dana od dana objavljivanja u "Službenim novinama Federacije BiH".

Broj 01-37-991/13
13. marta 2013. godine
Sarajevo

Ministar
Prof. dr. **Rusmir Mesihović**, s. r.



Prilog 1.

PREGLED AKTIVNOSTI FEDERALNIH KORDINATORA IMENOVANIH OD FEDERALNOG
MINISTARSTVA ZDRAVSTVA

PERIOD _____

Imenovani kordinator:		Oblast:
1. Strategije, zakoni, programi, akcioni planovi (u pripremi usvojeni)	Opis i referalni dokumenti (publikacije, izvještaji)	Prepreke, preduvjeti, prijedlozi za unapređenje
2. Monitoring i istraživanja vezana za oblasti (u pripremi usvojeni)	Opis i referalni dokumenti (publikacije, izvještaji)	Prepreke, preduvjeti, prijedlozi za unapređenje
3. Promotivno-preventivni programi i projekti (aktuelni, u pripremi)	Opis i referalni dokumenti (publikacije, izvještaji)	Prepreke, preduvjeti, prijedlozi za unapređenje
4. Planirane aktivnosti za godinu _____	Opis	Prepreke, preduvjeti, prijedlozi za unapređenje
KOMENTARI		